

Kadasi nsan su bo YOHANE akere i ni

¹ Mini bo m ti u kpien ni, sukere ahin jore n fa ma wɔɔ m don Gayosi bo m koro u nahore su n a.

² M don koroowa, m nyemesere la ka, Nyeme ma u anuniembaa nu laifie, na u deke kere ko atin su nyunyumi, kabo u nyemesu ni suko atin su ni.

³ Dama ya ninbaa nbem baari fen, na ba se m kabo a bita nahore ni, na wo yo m fie agaya. M si ka a su nahore atin n su wo.

⁴ Deke be wo ma bere bo i yo m fie agaya tara bo m ti kabo m nbaam su nahore atin n su ni.

Boro u nyi na a sude u ninbaa Kristo susufom wɔfo

⁵ M don koroowa, a bita nahore kabo a nati yo sakpa ma u ninbaam bo bu ba u do wɔfo ni, haari ni bo a si ma bu ni mmoo.

⁶ Bere bo a buka bu ni, ba kan kabo a koro bu n akere Kristo jama n bo bu wo fen ni. Boro u nyi na a buka bu kabo Nyeme koro ni, na bu koro ko deke bo bu suko ni.

⁷ Kristo dee ti, bu nati kan i noanie n kere minem wo, na bu koro ma pui minem n bo bu su ma Nyeme n do.

⁸ Nyini ti, yere bo ya ti Kristo susufom ni, wo yo daka ka ya buka bu ni juma n bo bu yo i ni. Nzen ya bukaari bu, nyini la ka, ya ni bere abo

kun sukan Kristo noaniε n bo i ti nahore n kere minem wo lee.

⁹ M yo kereri jore be maari Kristo jama ni, ama, Diyoterefesi bo i koro ka i kere ka yiri ti mofɔ n atana su, wo bo ma jore be nu.

¹⁰ Nyini ti, nzen m baari, m yi i sayoowa fite fofoe nu, dama wo jɔjɔ jore ngbεεnngbεεn abu kore aso ya, ma nyini ngumi, wo kete ka i de ma Kristo minem wofɔ, na nzen nbem koro ka bu de minem wofɔ mmɔɔ, i soro ma su, na i koro ka i fon yi bere bo bu koro ka bu de wofom n fite Kristo jamam n nu ni.

¹¹ M don koroowa, ma a son satieyo su, ama, son sakpayo su. Sono kere bo i yo sakpa ti Nyeme deε wo, ama, sono kere bo i yo satie si ma Nyeme.

¹² Sono kere di daani kpa fa ko kabo Demetirɔsi bita nahore n wo, na i woowa gusu kere ka i bita nahore wo. Yere mmɔɔ di i daani wo, ye a si ka kabo ya se n ti nahore wo.

Kasin deε anse yoowa ni

¹³ Ma m la jore beberebe bo ma m se u, ama, m koro ma ka m kere i kere wura kadasi n nu.

¹⁴ M la tama ka m ba nie u busu kisa, na ya nu ya nu, na ya bo anzama.

¹⁵ Nyeme ma u ahoreda. U danfom kere bo bu wo fen bisa u dongu. Woro gusu bisa ya danfom kere dongu ma ya.

ΝΥΕΜΕ ΙΟΡΕ ΚΑΔΑΣΙ
The New Testament in Anufo (Chokosi)

copyright © 2009 Wycliffe Bible Translators, Inc.

Language: Anufo

Contributor: Wycliffe Bible Translators, Inc.

All rights reserved.

2025-05-01

PDF generated using Haiola and XeLaTeX on 30 Apr 2025 from source
files dated 1 May 2025

fe36d0e6-2a60-5e15-8d1c-8bf275389598